

SAN PABLO FILEMÓMO ORÉCABE

La Carta del Apóstol San Pablo a Filemón

Pablo Filemomo cuete

¹Cue Páblodicue. Cristo Jesús ícoinia llavécamedicue. Cai ama izóidimie Timoteo cue diga illa llezica, Filemomo bibe cueticue. O coco táijinamo izíruiga nabáifiredimiedio. ²Afe llezica Juzíñamuimo ínotingo cai miringo izóidingo Apiamo cueticue, íemo jíái Juzíñamui uaimo iere cai nícidogafuemo nabáifiredimie Arquípomo cueticue. Iemo jíái Filemón jofomo gairífirede Juzíñamuimo jaináidinomo cueticue. ³Mai birui cai Moo Juzíñamui cai Ocuíraima Jesucristo diga, ñúefue dibénemo ómoína itátaiteza; daje izói caimare uái illifue ñue ómoímo itátaiteza.

Pablo Filemón Jesucristona izíruilla íemo ie ínuana llote

⁴Juzíñamui diga cue úrilla llezica omo úbicaidicue. Úbicaillano, jaca Juzíñamuina “Figora” dáii-firedicue. ⁵Mei o ñue o finócafue fidídícueza. Cai Ocuíraima Jesuna o izíruillana íemo o ínuana diga, fidídícue. Daje izói nana Juzíñamuimo jaináidinona o izíruillana fidídícue. ⁶Juzíñamuimo o ínuado jíáimaci afémie uai jeire o otátallena Juzíñamuimo izire jicádícue. Afémaci o diga nana Cristo Jesúmona comuítaga cai ñue ínofirenafuiai, ñue onóillena jicádícue. ⁷Afe daí jicáfiredicue, mei ja o izíruillado íóbídícueza, daje izói áfedo cue comeci íociredeza. Daí ori íóbídícue, mei Crístomo ínotino odo comécina ífracaiaioiza.

Riire ocuícamié Onésimomo Filemón dúecaillena Pablo íemo jicade

⁸Iemona ja birui, Cristo orécamiéna cue íllado omo dúide finolle raana riire ocuiredicue. ⁹Mei íadí afe izói ócuiñeíticue. Riire ocuilla

baimo caimare jícana gáidicue. Iemo conímana coco izíruillamona omo jícaiticue. Ua ja cue éiromadicue, íemo jíái Cristo Jesús llavécamiedicue. ¹⁰Daíí cue íllamona, daa cue onóigamiemo o dúecaillena jícadicue. Benó cue llavéjina llezica afémie cue jító izóidimiena jaide, mei afémie comécina Jesucrístomo fínua mei afémie jaináitaticueza. Afémie Onésimo. (Jesucrístomo ie ráifidimiena omo íllana jaca comécíñedio.)

¹¹Nauí Onésimo omo ráifíñedimie izoide. Mei íadi birui cue o diga afémie ráifidimie izóí tájirede. ¹²Meine abido íena omo orédicue. Afe ie cue ória cue iere izíruiga úrue ória izoide. ¹³Nai benomo ñúefue ícoinia cue llavébilla llezica, afémiena “Benó cue diga fiebi” uáfueña daíífacadicue, o méifomo afémie cue canóllena. ¹⁴Mei íadi nai o jii dáíñenia minícana ocuífacañedicue. Daíí daidicue, o cue jícajana ocuilla izóí íñeillena. Mei jíáífodo dama o começi jitailla izóí cue jícajana o fínuaña jítáidicue. ¹⁵Ñibai Onésimo nauí fia nígarui fidi oni o abímona jaide, meine billano biruímona o abimo afémie jaca ninomo íllena. ¹⁶Iemona birui riire ocuícamié izóíñeno, mei jíáífodo izíruiga ama izóidimiena afémie o diga írede. Afe jira nauí riire ocuícamié baimo ñúemiena o diga írede. Afe bímie iere izíruiticue, mei íadi o cue baimo íena izíruiredio. Birui daa afe ñue tájítallimie izóí íena izíruinidio, mei afe baimo cai Ocuíraimamo jainaide ámana o izíruilla izóí, afe izóí íena izíruiredio.

¹⁷Iemona uáfueña cue nabáidimie o íadi, cue o llínua izóí, afémie o llínori. ¹⁸Ñibai nano afémie fíénide raa omo finóadi, íemo jíái nibai minica omo íbañenia, cuemo jica, cue íbállena. ¹⁹Ona uafue cue daííallena cue ónoído cueticue: Afena íbaiticue. Cue Páblodicue. Mei jíáífodo cue ona uibíñotaredicue, dama o ñue méidoga abi cuemo dúide, mei Juzíñamuimo ona fínotadicueza. ²⁰Ua mii, cai Ocuíraimamo o fínuañona, afe bímie o llínuaado caimare cue itátari. Crístomo dájena jainaide ama izóí cue começi fírrari.

²¹Omo cueticue mei o jíeruífírena ñue onódicueza. Jíái onódicue, cue ocuica baimo finóredio. ²²Afe llezica cue íñíllico uíécodo raire finori. Mei bie izóí ocuírídicue; Juzíñamuimo omoí jícállemona, Juzíñamui omoí cue eróizaibillena cuena óreite.

Iiraicaiño uáidua, caimare ñúefue dibénemo omoí itátallena

²³Cristo Jesús ícoinia cue diga llavécamié Epafras uai omo orede. ²⁴Daje izóí jíáíe cue tájijnamo canódimaci Marcos, Aristarco, Demas, Lucas diga omo uai orédiaioi.

²⁵Mai mei cai Ocuíraíma Jesucristo ñúefue dibénemo ómoína itátaiteza. Daíítadeza. Jae ñíe.